



**АКАФИСТ СВАТЫМ МУЧЕНИЦАМ
ВЕРЫ, НАДЕЖДЫ, ЛЮБВИ И
МАТЕРИ ИХ СОФНИ**

Конда́к 1

Избра́нным раба́м Го́спода Вседержи́теля, Ве́ре, Наде́жде и Любви́, и му́дрей ма́тери Софи́и, похва́льная вам пе́ния умиле́нно возно́сим. Вы же, я́ко дерзнове́ние ко Христу́ Бо́гу иму́ще, моли́тиса за ны, во е́же изба́витиса нам грехо́в и скорбе́й, да благода́рственно вопие́м вам:

Ра́дуйтеся, Ве́ро, Наде́ждо и Любы́, купно́ с Софи́ею, ма́терию ва́шею прему́дрою.

И́кос 1

А́нгели на Небеси́ ра́довахуся, добродете́льное жити́е ва́ше зря́ще, е́же провожда́сте в чтении́ Писа́ний Божество́нных, в трудех, посте́, моли́тве и ми́лостыни, ма́терию ва́шею непреста́нно су́щи поуча́еми, да явите́ся о́брази живи́и триех́ богосло́вских добродете́лей, ихже имена́ми наречены́ бы́сте. Мы же, тако́вей му́дрости ма́тере ва́шея и соверше́нному благо́разумию ва́шему дивя́щеся, благоговейно́ рцем вам:

Ра́дуйтеся, единомы́сленныя сестры́, три́ем добродете́лем тезоимени́тыя; ра́дуйтеся, в повинове́нии богому́дрей ма́тери ва́шей на стéпени соверше́нствования́ вше́дшия.

Ра́дуйтеся, а́ки три райския́ ветви́, в злове́рном Ри́ме возра́сшия; ра́дуйся, Софи́е, дще́рем твои́м имена́ добродете́лей наре́кшая, я́же ве́щию исполня́ти научи́ла еси́.

Ра́дуйся, Ве́ро, ве́рою невиди́мое, я́ко види́мое, зрети́ нам помога́ющая; ра́дуйся, в нетле́ние облече́нная.

Ра́дуйся, Наде́ждо, наде́ждою страда́ния на́ша во юдо́ли ско́рби ослабля́ющая и в го́рняя десни́цею указу́ющая; ра́дуйся, Ца́рствие Небе́сное унасле́довавшая.

Ра́дуйся, Любы́, любо́вию Божество́нною блаже́нство безсме́ртныя жи́зни нам открыва́ющая; ра́дуйся, благода́тию Ду́ха Свята́го осия́нная.

Ра́дуйся, Софи́е, си́есть прему́дрость, прему́дре дще́ри тво́я воспита́вшая; ра́дуйся, в добродете́лех ве́ры, наде́жды и любве́ нас утвержда́ющая.

Ра́дуйтеся, Ве́ро, Наде́ждо и Любы́, купно́ с Софи́ею, ма́терию ва́шею прему́дрою.

Конда́к 2

Видящи му́драя Софія слуги́, пришѣдша звати ю со дщѣрьми ко царю́ Адри́ану, и позна́вши вину́ призв́анія своегó, ста со ча́ды свои́ми на моли́тву, по́мощи Бо́га прося́щи. По моли́тве же, ёмшеса за ру́це, якоже венѣц уплетѣнный, идя́ху вку́пе, пою́ще Христу́ Бо́гу: Аллилу́иа.

И́кос 2

Ра́зум несумне́нный имѣли есте́, святы́я, егда́ бо в пала́ты ца́рския введены́ бы́сте, царѣви Адри́ану предста́сте с лицѣм свѣтлым, очесы́ весѣлыми и се́рдцем му́жественным. Царь же, зря честна́я лица́ ва́ша неустраше́нна и му́дрость Софи́и увѣдев, отложи́ на ино́ время́ суд свой и отсла́ вы к не́коей благо́родней женѣ, у нея́же пребы́сте три дни, ма́тери ва́шей прему́дрей богодухнове́нными словесы́ день и но́щь вас поуча́ющей. Те́мже ублажа́юще вас, взыва́ем си́це:

Ра́дуйтеся, три непоро́чныя а́гницы Христо́вы, венѣц добродѣтелей в себѣ совокупив́шия; ра́дуйтеся, три добродѣтельныя сестры́, твёрдую ве́ру, несумне́нную наде́жду и нелицеме́рную любóвь ко Го́споду Бо́гу явив́шия. Ра́дуйтеся, не пощади́вшия красото́ и мла́дости ва́шея, Красне́йшаго ра́ди добро́тою па́че сыно́в челове́ческих; ра́дуйся, Софи́е, ча́да тво́я возлю́бленная на по́двиг му́ченический за Христа́ наставля́вшая.

Ра́дуйся, Ве́ро, муче́нием за Христа́ ве́ру твою́ испове́давшая; ра́дуйся, сестры́ тво́я крёпкою ве́рою воздвиза́вшая.

Ра́дуйся, Наде́ждо, твёрдое наде́яние на Христа́ возлага́вшая; ра́дуйся, сестры́ тво́я неосла́бною наде́ждою укрепля́вшая.

Ра́дуйся, Люби́, му́ками за Христа́ любóвь твою́ де́йственную показав́шая; ра́дуйся, сестры́ тво́я огнём любве́ огражда́вшая.

Ра́дуйся, Софи́е, сла́дкая ча́да тво́я увещава́вшая презрѣти сла́ву и богáтство и всю сла́дость ми́ра сегó тлѣннаго; ра́дуйся, до́брыя дщѣри тво́я до кро́ве ста́ти за Го́спода и умрѣти за Него́ усер́дно учив́шая.

Ра́дуйтеся, Ве́ро, Наде́ждо и Люби́, кúпно с Софи́ею, ма́терию ва́шею прему́дрою.

Конда́к 3

Силою Божественною осенены бяху мученицы, яже добродетели имен своих явша делом в подвизах мученических, воспевающе Богу: Аллилуиа.

Икос 3

Имуще в себе святыя мученицы столп веры, криле надежды и огонь любви, в сладость послушающия от словес матери своея, едина другую в долготерпении утверждаху и радостно идяху, желаяще честнаго мученичества, еже за Христа. Тому покланяющесе, яко Богу нашему, сицевыми вас воззваными почитаем:

Радуйтесе, ни мало не поскорбевшия о лишении временнаго сего живота вечныя ради жизни; радуйтесе, чести ради Христовы плоть на муки предавшия.

Радуйтесе, три многоценныя сосуды веры, надежды и любви Богу в дар принешия; радуйся, Софии, яко, любви ради презельныя ко дочерям твоим, всем сердцем возжелела еси, да Царствие Божие наследуют.

Радуйся, Веро, души наша верою озаряющая; радуйся, к тихому пристанищу нас возносящая.

Радуйся, Надеждо, сердца наша сладостию надежды оживляющая; радуйся, из пучины отчаяния нас извлекающая.

Радуйся, Любы, страдания и скорби наша в радость прелагающая; радуйся, окамененная сердца наша во умиление преводящая.

Радуйся, Софии, мудростию на благое нас наставляющая; радуйся, потемненное око душ наших просвещающая.

Радуйтесе, Веро, Надеждо и Любы, купно с Софиею, материю вашею премудрою.

Кондак 4

Буря ярости мучителейы нападе на тя, святая Веро, но не поколеба тя. Кто бо возможет веру неодолимую подвигнути, адаманта крепчайшую, яже верных научила есть пети с тобою Богу: Аллилуиа.

Икос 4

Слышаши мудрая матери дочери своя пред царем небоязненно Христа исповедающия и глаголющия, яко того единаго желают, еже бы страдати и

терпéти гóркия мýки слáдкаго рáди Иисýса Христá, рáдовашеся вельми и моляше Бóга, да укрепít я в подлежащих мýках. Сиé úбо изволéние похваляюще, пёрвейшей дщэри мýдрыя мáтере тáко воспоём:

Рáдуйся, Вéро, немилосёрдая биéния Сладчáйшаго рáди Иисýса слáдце приёмшая; рáдуйся, урёзанная сосцá твоя, áки два крiна чистоты, в жёртву Гóсподу принéсшая.

Рáдуйся, я́ко от я́звы твоея́ вмéсто крóве млекó истечé; рáдуйся, я́ко на раскалённое желéзо положéна была́ еси́.

Рáдуйся, я́ко в конóб кипящ ввёржена́ сýщи, ни мáло не опали́лася еси́, ниже́ вредiлася еси́; рáдуйся, пла́мень страстéй нáших небéсною прохлáдою утишáющая.

Рáдуйся, огонь мучéний нáших в болéзнях угашáющая; рáдуйся, знамéнием вéры посреде́ напáстей нас знаменающая.

Рáдуйся, щитóм вéры во брáни со врагóм нас покрывáющая; рáдуйся, честнóю главú твою́ за Главú Цéркве, Христá Бóга, под мечь рáдостно преклóншая.

Рáдуйся, я́ко обагрéнием крóве твоея́, áки червлени́цею одéяна, явилася еси́ очесéм Безсмёртнаго Женихá твоегó; рáдуйся, к желáнному краю́ пришéдшая и любiмага Спáса и Гóспода узрéвшая.

Рáдуйтеся, Вéро, Надéждо и Любý, кúпно с Софи́ею, мáтерию вáшею премúдрою.

Кондáк 5

Богоздáнным звездáм уподóбилися естé, Вéро, Надéждо и Любý, всем бо сёрдцем прилепiвшиися ко еди́ному вéчному Животú и Красотé неизречéнной, Иисýсу Христú, скóро шéствовасте, во éже умрéти за Него́ и насладiтися Божéственного Егó видéния, пою́ще Емú: Аллилу́иа.

И́кос 5

Вiдевше добропобéдныя сестры́ святúю Вéру рáдостно за Христá пострада́вшу, и сáми хотя́ху дýши своя́ за Него́ положiти: царь же Надéжду святúю начáт испýтовати, и вiдев ю́ с сестро́ю единомýсленну сýщу, на

мúки впадé ю, обáче ничтóже успé. Мы же, Надéжду святу́ю о сицевóм ея́ мудровáнии ублажа́юще, воспóйм и прослáвим ю́:

Рáдуйся, Надéждо, жестóко биéнная, обáче пресвётлую надéжду на Гóспода не потеря́вшая; рáдуйся, мúки тво́я безро́потно в молчáнии терпéвшая.

Рáдуйся, и нам крéпкое терпéние пода́ющая; рáдуйся, я́ко в разжжéнной пещи́ неопалéема б́вши, хвалу́ Бóгу возсылáла еси́.

Рáдуйся, я́ко и нас во страдáниях хвалíti Бóга научáеши; рáдуйся, я́ко ногтми́ желéзными стрóгана была́ еси́.

Рáдуйся, нас, сýщих в скóрбех, лучáми надéжды осиява́ющая; рáдуйся, я́ко чúдное нéкое благоухáние от язв тво́их исхожда́ше.

Рáдуйся, непоколеб́имое уповáние на Гóспода Иисýса неизмéнно сохрáншая; рáдуйся, безнаде́жность и безси́лие в сердца́х нáших истребля́ющая.

Рáдуйся, мéчное посечéние за Христá радóстно при́мшая; рáдуйся, я́сная денни́це, нам, печáльми земн́ыми угнетéнным, мир вéчный раскрывáющая.

Рáдуйтесь, Вéро, Надéждо и Люб́и, кúпно с Софи́ею, мáтерию ва́шею премúдрою.

Конда́к 6

Проповéдником и апóстолом богонóсным подóбны б́исте, богомúдрыя сестры́: добродéтельми бо ва́шими проповéдасте всем вéрным вéру, надéжду и любóвь ко Гóсподу, Влады́це всех, Томú пою́ще: Аллилу́иа.

И́кос 6

Воссия́ла еси́, áки со́лнце, Люб́и святáя, кто бо си́це за возлю́бленного Гóспода своегó можáше стáти, я́коже люб́и, понéже писано есть: «Крепкá я́ко смерть люб́и, вода́ мно́га не мóжет угасíti любвé, и рéки не потопя́т ея́».

Мо́лим ти ся ны́не, Люб́и святáя, сераф́имским пла́менем любвé ко Гóсподу горя́щая, обнов́и окаменéнная и изсо́хшая сердца́ нáша, возжги́ в нас, оскуде́вших любóвию, свет любвé, да возлю́бльше Гóспода и вся бл́жняя нáша, тебé я́ко молítвенницу нáшу, восхва́лим си́це:

Рáдуйся, Люб́и, я́ко любвé твое́я ко Христú воды́ мно́ги прéлестей мирсќих не угаси́ша; рáдуйся, я́ко вся ласкáния и дáры царéвы отве́ргши, дýшу твою́ за Гóспода положи́ла еси́.

Ра́дуйся, я́ко любве́ твоея́ ре́ки бед и страда́ний не пото́пиша; ра́дуйся, за Го́спода Иису́са на колеси́ протя́гнутая, же́злием би́енная, све́рдлами прободённая и в печь о́гненную вве́рженная.

Ра́дуйся, я́ко в лю́тых му́ках твои́х си́лою Бо́жиею укрепля́ема была́ еси́; ра́дуйся, кро́вию твое́ю, любве́ ра́ди к Безсме́ртному Жениху́ твоему́ Христу́ изли́янною, в хла́дных сердца́х на́ших любóвь возбужда́ющая.

Ра́дуйся, я́ве показав́шая нам, я́ко любве́ ра́ди вся муче́ния сла́дце претерпева́ются; ра́дуйся, яви́вшая нам, я́ко любы́ Божество́нная приво́дит к животу́ ве́чному.

Ра́дуйся, са́мою ве́щию уве́рившая, я́ко любы́ Божество́нная открове́ние есть безсме́ртия; ра́дуйся, я́ко ника́яже мучи́тельства возмо́гша разлучи́ти Любо́вь от любве́ Христо́вы.

Ра́дуйся, в му́ках апо́стольски вещав́шая, я́ко не разлучи́т тя от любве́ Бо́жия ни скорбь, ни тесно́та, ни гоне́ние, ни глад, ни нагото́та, ни беда́, ни меч; ра́дуйся, любве́ ра́ди Христо́вы мече́м во главу́ усече́нная.

Ра́дуйтесь, Ве́ро, Наде́ждо и Любы́, купно́ с Софи́ею, ма́терию ва́шею премудо́рою.

Конда́к 7

Хотя́ще скорее́ от те́ла разлучи́тися и со Хри́стом бы́ти, святы́я де́вы, егда́ на ме́чное посече́ние идя́ху, еди́на другую́ и ма́терь свою́ Софи́ю объе́млюще лобыза́хуся, дру́жескому́ нас любле́нию поуча́юще, да вси́ купно́ поём Бо́гу: Аллилу́иа.

И́кос 7

Но́вое чу́до показа́ Госпо́дь, егда́ по́мощь Свою́ посла́ страда́вшим за испове́дание и́мене Его́ толи́ко ю́ным де́вам: ве́рою бо, наде́ждою и любóвию укрепля́емы и возно́симы б́ивше, до́блественне по́двиги своя́ сконча́ша. Мы же в единомы́слии и еди́ноду́шии до конца́ живото́та пребы́вших мо́лим вас, да и нам низпо́слете единомы́слие в соверше́нии до́брых дел, умиле́нно велича́ющим вас:

Рáдуйтеся, Вéро, Надéждо и Любý, едíнем путéм мучéний до врат небéсных шéдших; рáдуйтеся, в пресвётлый чертóг прелюбéзнаго Женихá вáшего во глáсе рáдования вшéдших.

Рáдуйтеся, я́ко Иисýс Христóс просветí, я́коже звéзды на небесí, рáны на телесéх вáших; рáдуйся, Софíе, дóблественне на мýки чад твои́х взира́вшая.

Рáдуйтеся, я́ко небéсною красотóю, ея́же óко не вíде, украсí Госпóдь добрóту вáшу, мýками отъя́тую; рáдуйтеся, венцы́ воздая́ния приéмших.

Рáдуйтеся, áки три звездý, Сóлнцем правды озарéнными; рáдуйся, Софíе, в мýжественном исповéдании дщéрьми твои́ми íмене Христóва утешéние вéлие обрётшая.

Рáдуйтеся, мглу сомнéний нáших разсеявáющая; рáдуйтеся, нас удручéнных страдáньми душéвными и телéсными, подкрепля́ющая.

Рáдуйтеся, красотóю любвé сердца́ нáша украсáющая; рáдуйся, Софíе, крéпосте и утешéние изнемога́ющих в бедáх и нýждах.

Рáдуйтеся, Вéро, Надéждо и Любý, кúпно с Софíею, мáтерию вáшею премýдрою.

Кондáк 8

Стрáнное и непоня́тное нам немощн́ым, в мирскíх сластéх погрязнувшим, зрим дéло, я́ко Софíя святáя, возлю́бленных чад свои́х вíдящи лю́тыя и гóрькия мýки и смéрти, ни мáло не поскорбé, но возрадовася зело́ дýхом, пою́щи Бóгу: Аллилу́иа.

Íкос 8

Вся бе в вíшних мýдрая Софíя, егда́ дщéри своя́ слáдкими словесы́ и мýдрыми увещáньми на мучéния подвизáше. Áще же от естества́ к слезáм преклоня́шеся áбие, от любвé Христóвы прелагáшеся на рáдость, печáль бо сердéчную и болéзнь о чáдах мáтернюю победí в ней любý Бóжия. Вéлиею úбо любóвию дщéри своя́ любя́щи, пáче всего́ тем Цáрствия Небéснаго желáше. Сего́ рáди, чудя́щеся мýдрости и вели́цей любв́и твоéй ко дщéрем и слáвяще тя, взывáем:

Ра́дуйся, Софіе, я́ко возвесели́ся душа́ тво́я о блаже́нной кончи́не дще́рей твои́х, свято́е и́мя Го́спода дерзнове́нно испове́давших; ра́дуйся, в му́ченичеством венча́нии ча́д твои́х честь и сла́ву при́явшая.

Ра́дуйся, уча́стия му́ченическаго и спребы́вания со дще́рьми в небе́сной сла́ве Христа́ Бо́га сподо́бльшаяся; ра́дуйся, честна́я телеса́ дще́рей твои́х с ра́достными слеза́ми поgréбшая.

Ра́дуйся, три дни грóбу их приседе́вшая и сном сме́рти о Го́споде почи́вшая; ра́дуйся, а́ще и не плóтию, о́баче се́рдцем за Христа́ страда́вшая.

Ра́дуйся, я́ко три добродете́льные дще́ри, си́ми ве́ру, наде́жду, любо́вь к Бо́гу яви́вши, в дар Пресвяте́й Трóице принесла́ еси́; ра́дуйся, я́ко чадоро́дия ра́ди спасла́ся еси́.

Ра́дуйся, дивна́я ма́ти, благі́я па́мяти досто́йная; ра́дуйся, дще́ри тво́я, да кровь свою́ за Христа́ проли́ют, моли́вшая.

Ра́дуйся, умудря́ющая ны, да блюде́м непрело́жно добродете́ли ве́ры, наде́жды и любве́; ра́дуйся, Животворя́щей Трóице за ны моля́щаяся.

Ра́дуйтесь, Ве́ро, Наде́ждо и Любы́, купно́ с Софіею, ма́терию ва́шею премудо́рою.

Конда́к 9

Вси́ А́нгели дивля́хуся о страда́ниях ва́ших, святы́я му́ченицы, и побéду ва́шу над диа́волом торже́ствующе, ду́ши же ва́ша к Небеси́ провожда́юще, воспева́ху Христу́ Бо́гу: Аллилу́иа.

И́кос 9

Витіи́ велере́чивии вся страда́ния ва́ша за Христа́ не возмо́гут изрещи́, дивя́щися же толи́ким подвиго́м, во мла́дых лéтех подъя́тым, немо́тствуют. Мы же о честне́й кончи́не ва́шей Бо́га прославля́юще, велича́ем вас си́це: Ра́дуйтесь, Ве́ро, Наде́ждо и Любы́, пою́щия хвалу́ Бо́гу, на не́бо небесе́ возше́дшему; ра́дуйтесь, щіте ве́ры, бронé наде́жды и свети́льниче любве́. Ра́дуйтесь, зрени́ем пресве́тлаго лица́ Бо́жия наслажда́ющися; ра́дуйся, Софіе, благочесті́выя ма́тери на му́дрое воспита́ние ча́д их наставля́ющая.

Ра́дуйтеся, поуча́ющая ны, да взы́щем Го́спода, и жи́ва бу́дет ду́ша на́ша; ра́дуйтеся, с ве́рою, наде́ждою и любóвию прибега́ющих к вам те́плым моли́твенница.

Ра́дуйтеся, вразумля́ющая ны, я́ко вся сла́дость и прелесть ми́ра сегó я́ко дым исчеза́ет, я́ко прах от ве́тра разметáется и в персть обраща́ется; ра́дуйся, Софи́е, всем се́рдцем Го́спода Бо́га возлю́блшая.

Ра́дуйтеся, а́ки три́е све́тлии ключи́, ко еди́ному Исто́чнику жи́зни прите́кшии; ра́дуйтеся, а́ки три́е благово́ннии цвёти, на еди́ней благопло́дней ве́тви прозя́бшии.

Ра́дуйтеся, а́ки три зерца́ла, безпреде́льную красоту́ Бо́жию в себе́ отража́ющая; ра́дуйся, Софи́е, а́ки ма́слина, три ве́тви, отягче́нныя изоби́льными пло́ды даро́в Бо́жиих, произра́стшая.

Ра́дуйтеся, Ве́ро, Наде́ждо и Любы́, кúпно с Софи́ею, ма́терию ва́шею премúдрою.

Конда́к 10

Спасти́ хотя́ще ду́ши сво́я святы́я мученицы, любве́ ра́ди Христóвы ласка́ния ца́рева и богáтства ми́ра сегó тле́ннаго презре́ша и ра́достно кончи́ну мученическую́ за Христа́ при́яша, пою́ще Ему́: Аллилу́иа.

И́кос 10

Стена́ми ве́ры, наде́жды и любве́ явля́ются святы́я мученицы́ всем, прибега́ющим к ним с те́плою и усер́дною моли́твою и си́це в печа́лех и напáстех к ним взыва́ющим:

Ра́дуйтеся, язв грехóвных до́брыя цели́тельница; ра́дуйтеся, во тьме печа́ли на́шея све́том упова́ния ны озаря́ющая.

Ра́дуйтеся, посреде́ напáстей и скорбе́й дивный по́кой нам посыла́ющая; ра́дуйся, Софи́е, о нас, в злострада́ниях повер́женных, мúдрое попече́ние явля́ющая.

Ра́дуйся, Ве́ро, крест спасе́ния пред на́ми воздвиза́ющая; ра́дуйся, немо́щи на́ша по моли́твам к тебе́ изцеля́ющая.

Ра́дуйся, Наде́ждо, я́корь изба́вления нам пода́ющая; ра́дуйся, уны́ние серде́ц на́ших бла́гостно отге́млющая.

Ра́дуйся, Любы́, твои́м ко Го́споду ходата́йством в злей напа́сти от неча́янных сме́рти ны огражда́ющая; ра́дуйся, изнемога́ющия си́лы на́ша на бо́дрость возставля́ющая.

Ра́дуйся, Софи́е, приле́жная о нас к Бо́гу моли́твеннице; ра́дуйся, в до́брех де́лах на́ших му́драя наста́внице.

Ра́дуйтесь, Ве́ро, Наде́ждо и Любы́, купно́ с Софи́ею, ма́терию ва́шею прему́дрою.

Конда́к 11

Пе́ние си́е похва́льное, а́ще бы и тмочи́сленное приноша́хом вам, свята́я му́ченицы, не бы довлéло ко прославлéнию добродéтелей и по́двигов ва́ших. Оба́че хвалу́ Бо́гу возсыла́юще за вся, я́же во свята́х Свои́х нам явля́ет, Тому́ поём: Аллилúиа.

И́кос 11

Све́том небéсным пред Го́сподем горя́щим свещáм подобны́ Ве́ра, Наде́жда и Любы́, купно́ с ма́терию их Софи́ею, к нимже припада́ем, моля́ще, да просветя́т ны, омраче́нные печа́льми и из глубины́ серде́ц зову́щия:

Ра́дуйтесь, ри́зы ва́ша в кро́ви А́гнчей на землі́ убелі́вшия; ра́дуйтесь, живота́ вéчнаго нам ходата́ицы.

Ра́дуйтесь, душ, и́щущих поко́я в милосе́рдии Бо́жии, утвержде́ние и хранéние; ра́дуйся, Софи́е, от суеты́ мирскі́я ны огражда́ющая.

Ра́дуйся, Ве́ро, доброце́нная кади́льнице, фимиáм хвалы́ Бо́гу вознося́щая; ра́дуйся, нас грéшных ве́рою просвещáющая.

Ра́дуйся, Наде́ждо, в ско́рби утешéние и прибе́жище на́ше; ра́дуйся, в печа́лех на́ших лучезáрная вéстнице избавлéния.

Ра́дуйся, Любы́, незло́бие и кро́тость в серде́ц на́ша влива́ющая; ра́дуйся, та́инственная звездó, от тесноты́ земны́я горé ны вознося́щая.

Ра́дуйся, Софи́е, му́драя и пречестна́я детоводі́тельнице; ра́дуйся, богому́драго житія́ моля́щимся ти устройте́льнице.

Ра́дуйтесь, Ве́ро, Наде́ждо и Любы́, купно́ с Софи́ею, ма́терию ва́шею прему́дрою.

Конда́к 12

Благода́ть Бо́жию прия́ти сподо́бивши́ся, моли́те о нас, святы́я му́ченицы, Пречи́стаго Влады́ку Христа́, да ми́лостив бу́дет к нам грéшным, с véрою, наде́ждою и любóвию Ему́ Еди́ному, Го́споду и Спа́су на́шему, смире́нно пою́щим: Аллилу́иа.

И́кос 12

Поём ва́ша крѣпкия по́двиги, véрою, наде́ждою и любóвию проникновѣ́нных, почита́ем страда́ния ва́ша презѣ́льная, хва́лим дѣ́вное терпѣ́ние ва́ше, ублажа́ем кончи́ну, за Христа́ ва́ми ра́достно подъя́тую, велича́ем необо́римое му́жество ва́ше, святы́я му́ченицы Вѣ́ро, Наде́ждо и Любы́, и му́драя ма́ти Софи́е, и прославля́юще вас, взыва́ем си́це:

Ра́дуйтесь, а́ки три стру́и мо́лниины, от восто́к да́же до запа́д добродѣ́телями свои́ми просия́вшия; ра́дуйтесь, фи́али véры, наде́жды и любвѣ́, животво́рным пита́ем ду́ши на́ша напая́ющи.

Ра́дуйтесь, три́е светоза́рнии пути́е, ко престо́лу сла́вы Госпо́дни нас веду́щи; ра́дуйся, Софи́е, ча́д ра́ди твои́х от ли́ка святы́х похвалѣ́нная.

Ра́дуйся, Вѣ́ро, цве́те véры, па́че сне́га белѣ́йший; ра́дуйся, услажде́ние стра́ждущих.

Ра́дуйся, Наде́ждо, угнетѣ́нных серде́ц возноше́ние; ра́дуйся, а́ки пото́к цельбоно́сный, жа́жду скорбя́щих душ утоля́ющая.

Ра́дуйся, Любы́, вѣ́нче из ми́ра, ра́дования и бла́гости соплетѣ́нный; ра́дуйся, у́мная зарни́це вѣ́чности.

Ра́дуйся, Софи́е, же́зле си́лы, крѣ́тце и му́дре ча́да наказу́яй; ра́дуйся, боговѣ́дения пресвѣ́тлая луче́, душам на́шим возсиява́ющая.

Ра́дуйтесь, Вѣ́ро, Наде́ждо и Любы́, кúпно с Софи́ею, ма́терию ва́шею прему́дрою.

Конда́к 13

О святы́я и достохва́льныя му́ченицы Вѣ́ро, Наде́ждо и Любы́, и му́драя ма́ти Софи́е, ны́не приѣ́мше ма́лое си́е молѣ́ние на́ше, от вся́ких ны́ бед, болѣ́зней и скорбе́й моли́твами ва́шими изба́вите, да сподо́бльшеся во Ца́рствии

Небѣснем зрѣти безсмѣртнаго Гóспода Иисúса, с ва́ми вку́пе воспоём Ему́:
Аллилу́иа.

Этот конда́к чита́ется три́жды, затѣм 1-й и́кос «А́нгели на Небесí...» и 1-й конда́к «Избра́нным раба́м...».

Моли́тва пе́рвая

О святы́я и достохва́льныя му́ченицы Ве́ро, Наде́ждо и Любы́, и до́блестных дще́рей му́драя ма́ти Софи́е! К вам ны́не со усѣрдною моли́твою притека́ем. Что бо па́че возмо́жет предста́тельствovati за ны пред Гóсподем, а́ще не ве́ра, наде́жда и любы́, три сия́ добродѣтели пребыва́ющия, во ихже о́браз нарече́нныя, са́мою ве́щию о́ныя яви́сте? Умоли́те у́бо Гóспода, да в ско́рбех и напáстех неизрече́нною благода́тию Своёю покрýет ны, и сохранíт, и Того́ сла́ву, я́ко со́лнце незаходи́мое, зрѣти да сподо́бит. Споспешествуй́те нам во смире́нных молéниих на́ших, да простíт Госпо́дь Бог грехí и беззакóния на́ша, и да помíлует нас грéшных, и щедро́т Свои́х да сподо́бит нас Христóс Бог, Ему́же сла́ву возсыла́ем, со Безнача́льным Его́ Отце́м, и Пресвяты́м и Благо́им и Животворя́щим Его́ Ду́хом, ны́не и прíсно и во ве́ки веко́в. Ами́нь.

Моли́тва вто́рая

Ва́с, святы́я му́ченицы, Ве́ро, Наде́ждо и Любы́, сла́вим, велича́ем и ублажа́ем, кúпно с му́дрою ма́терию Софи́ею, ейже покланя́емся, я́ко о́браз богому́драго попече́ния явля́ющей. Умоли́, святая́ Ве́ро, Творца́ ви́димых и неви́димых, да ве́ру крѣпку, небла́зненну и неруши́му пода́ст нам. Хода́тайствуй, святая́ Наде́ждо, пред Гóсподем Иисúсом за на́с грéшных, да упова́ние на благáя не отженѣт от на́с и от вся́кия ско́рби и ну́жды да изба́вит ны́. Испове́ждь, святая́ Любы́, Ду́ху и́стины, Уте́шителю, напáсти и печáли на́ша, да То́й свѣше́ сла́дость небѣсную ниспо́слет душáм на́шим. Помозíте у́бо в беда́х на́ших, святы́я му́ченицы, и кúпно с му́дрою ма́терию ва́шею Софи́ею, моли́те Царя́ царей и Гóспода госпо́дствующих, да сохранíт под покрóвом Цѣрковь Свою́ святу́ю. Со слезáми умилѣнно припа́дающе к ва́м,

ва́шего тэ́плаго предстáтельства пред Бóгом усéрдно мо́лим, да кúпно с ва́ми и со всéми святýми превознесéм и препрослáвим пресвятóе и вели́кое ймя Отца́ и Сы́на и Свята́го Дúха Бóга, Предвэ́чнаго Влады́ки и благíх Содéтеля, ны́не и прýсно и во вéки векóв. Амíнь.